


Bibila Samu ti Bana  
kuvwanda na kati ya

Yesu soolaka  
bilandi kumi na  
zole (12)



Yawu sonamaka na: Edward Hughes

Yina basisaka yawu ni: Byron Unger; Lazarus  
Alastair Paterson

Yina yidikaka yawu ni: E. Frischbutter; Sarah S.

Samu na kusamuna yawu:  
[www.christian-translation.com](http://www.christian-translation.com)

Yina mwangisaka nsangu ni: Bible for Children  
[www.M1914.org](http://www.M1914.org)

©2025 Bible for Children, Inc.


Muswa: Nge kele na muswa ya kubasisa banongo yayi na  
mutindu ya nkaka, kana nge zola to nge zola ve.



Yesu vwandaka sala mambu ya ngitukulu. Yandi vwandaka nyakisa bambevo. Yandi vwandaka pesa kizunu na bantu yina vwandaka kondwa yawu na ntima mpe na kilunzi, mpe yandi vwandaka longisa Mambu ya Nzambi.



Bankonga ya bantu vwandaka kwiza na sika ya Yesu,  
samu ti yandi kusadisa bawu mpe ti yandi kubulusa  
bawu.



Na yina, Yesu bakaka lukanu ya kusoola babakala kumi na zole (12) na kati ya bankonga ya bantu yina vwandaka kwenda landa yandi, samu na kusadisa yandi na kisalu ya Nzambi.



Ntangu nge ke vwandaka na nsatu ya kubaka lukanu ya mfunu, nge ke sambilaka Nzambi? Ni yawu Yesu salaka! Yesu kwendaka na

mongo, na kisika mosi ya kuzuna, kuna yandi sambilaka Tata yina kele na mazulu. Yesu sambilaka tii ntangu yina ntangu dyamaka.





Mpe Yesu  
sambilaka mpimpa  
nyonso.




Na suka, Yesu bokilaka bandiku ya yandi - bayina  
nyonso vwandaka landa yandi na kutumama mpe  
kukwikama nyonso. Na kati ya bandiku ya  
yandi, yandi soolaka kumi na zole  
(12) samu na  
kuvwanda




bilandi  
ya yandi, to  
bantumwa ya yandi.




Bantu zole yina Yesu soolaka ya ntete, bawu  
vwandaka bampangi, Simoni Pyele mpe Andele.  
Ntangu Yesu bakilaka bawu samu na kulanda yandi,  
bawu bikaka kisalu ya bawu ya bilobi-mbisi.



Zaki mpe Yowane, bana ya  
Zebede, bawu mpe ba  
bikaka mitambu ya bawu.



Yesu soolaka mpe Filipe, Batelemi, Matayi mpe Toma, Somoni mu-zeloti, Zaki mwana ya Alefe, Yuda mpangi ya Zaki mpe Yuda Ikayote yina yekulaka Yesu.




Yesu zabisaka bawu ti kana bawu  
sadila yina yandi ke lomba na bawu, ya  
kele mutindu ti bawu ke  
tunga yinzo ya matadi.

Bitembo ya ngolo  
ke lenda ve na  
kumwangisa yawu.



Kasi kumanga na kutumama na Yesu, ya kele mutindu muntu me tunga yinzo ya yandi na zulu ya munyenge. Ntangu kitembo ya ngolo ke salama, yinzo ke mwangana.




Bantumunu ya nkaka ya Yesu vwandaka mpasi na kusadila. Yesu vutulaka mutindu yayi: "Kana muntu bula nge mbata na ditama mosi, pesa yandi ditama ya nkaka."  
"Beno zola bambeni ya beno. Bantu ke na nsatu ya lusalusu ya Nzambi samu na kuzinga mutindu Yesu."



Yesu zabisaka bawu na  
kusambilaka mpe na mansweki - na  
kutalanaka ve na meso ya bantu,  
mutindu ke salaka bamfumu ya  
nkaka ya misambidi.



Yesu tubaka ti Nzambi ke  
pesa madya mpe ke lwatisa  
bayina ke tula kivuuvu ya  
bawu na yandi.



Mutindu Nzambi ke dikilaka  
bandeke mpe yandi ke  
pesaka ntinta ya kitoko na  
bifulu mpe na bayinti, bantu ya  
yandi lenda tula kivuuvu ya bawu  
na yandi, samu ti yandi kubaka  
bunkete ya bawu.




Na kilumbu yina, Yesu  
lakisaka bantumwa ya  
yandi mambu mingi.  
Ntangu yandi manisaka,  
muntu mosi ya bwazi  
kwizaka lomba na Yseu  
na kuvedisa yandi.



Yesu tubaka na muntu ya bwazi mutindu yayi: "Mu zola yawu. Beluka." Ntangu bantumwa wandaka ya kusikika meso ya bawu na mbevo yina, kimbevo ya

bwazi manisaka na muntu yina. Yandi belukaka! Kaka ni Mwana ya Nzambi lenda sala bimangu ya mutindu yayi. Bantumwa zabaka ti Yesu wandaka Mfumu ya mbote.



Yesu soolaka bilandi kumi na zole (12)

Nongo yayi ya nene me katuka na kati ya  
mambu ya Nzambi, Bibila

yawu kele ya kusonama na kati ya

Matayi 4-7, Make 1, Luke 6

"Luzabu ya mambu ya nge ke kyenzolaka, yawu ke  
pesaka mayela na bantu yina zaba mingi ve."

Mikunga 119:130



Nsuka



Nongo yayi ya bibila, ya ke na kulakisa ti Nzambi kele mbote, ni yandi yidikaka beto mpe nge fwana kuzaba yandi.

Nzambi zaba ti beto salaka yimbi yina kotisaka beto na kati ya masumu. Difuti ya disumu kele lufwa, kasi Nzambi zola nge mingi, ni yawu yina yandi fidisaka mwana ya yandi kaka mosi, Yesu, yina kwizaka kufwa na kunlunsi samu na masumu ya nge. Yesu vumbukaka na lufwa mpe yandi vutukaka na zulu. Kana nge kwikila na yandi mpe kana nge lombana na yandi mulemvo samu na masumu ya nge, yandi ke lemvokila nge! Yandi ke kwiza zinga na kati ya nge mpe nge ke zinga na yandi ya mankululu.

kana nge kwikila, nge ke kuma ya kuvedila, tuba mutindu yayi na Nzambi: Yesu, mu me kwikila ti nge kele mwana ya Nzambi. Nge kufwaka samu na masumu ya munu mpe nge vumbukaka na lufwa. Kota na luzingu ya munu mpe katula masumu ya munu, na manima, bika ti mu kuma muntu ya malu-malu, mpe ti kubanda bubu yayi, mu vwanda na nge ya mankululu. Sadisa munu samu ti mu kwikila na nge bantangu nyonso, mpe ti mu vwanda mwana ya Nzambi. Amen!

Tangu bibila mpe solola na Nzambi bilumbu nyonso! Yowane 3.16

